

COMITES DE PÖTTING.

Conradus de Pötting vetustæ hujus nominis Stirpis proles, nuptias filia suæ Margarethæ tenerrimæ ætatis puellæ post tredecim annos in thorum adsciscendæ, Johanni ab Uttendorff promisit, pactisque dotalibus Wolfgangus de Pötting Frater Conradi sigillum suum apposuit Anno 1394. (a) Aliis duobus negotiis Anno 1396. & 1398. confectis idem Conradus interfuit. (b) Georgius a Riedenthal Conrado & Wolffgango Pöttingiis vendidit bona quædam Anno 1400. (c) Conradus porro testem egit in alio documento Anni 1401. & salutatur ibi: *der Edle Herz Conrad von Pötting.* (d) Functusque est Supremi Camerarii Officio apud Wilhelmum Austriæ Ducem testante alio Archivi Statuum Austriæ diplomate de Anno 1403. ubi dicitur: *Herz Conrad von Pötting / Herzog Wilhelms zu Oesterreich Cammermeister.* (e) Georgius Episcopus Passaviensis bona & decimas in Niedern-Leiß à Pöttingiis Fratribus Egidio & Marquardo possessas Stephano Sipecken feudali lege tradidit An: 1415. (f) Egidius præterea decimas quasdam in Nieder-Leiß Stephano, Erhardo & Georgio Sipecken vendidit, adstante Marquardo à Pötting Anno eodem 1415. (g) Johannes à Pötting Castrum pagumque Leopoldstorff / si sine liberis decesserit, Margarethæ Schadin natæ Pöttingiæ propria esse voluit hancque suam voluntatem in scriptis referri passus est Anno 1427. (h) Wilpurgis à Daxberg bona vacantia in Pürbaum Christophoro à Pötting in feudam contulit Anno 1428. (i) Johannes de Pötting Castrum suum in Leopoldstorff Christophori Pöttingii & Margarethæ Schadiæ dominio adjecit Anno 1429. (k) Eadem Margaretha à Georgio & Martino Rüdlieben bona quædam An: 1439. mercatus est. (l) Similemque contractum Anno 1443. celebravit. (m) Johannes de Pötting eidem venundedit bona quædam Anno 1448. (n) Illa vicissim prædia quædam Eustachio Wieser & Erhardo Sonnleiten An: 1455. cessit (o) Andreae de Pötting memoria colitur in documento aliquo de An: 1490. (p) Idemque à Martino de Pottenbrunn in testimonium vocatus legitur Anno 1492. (q)

(a) *Archiv. Stat. Austr. num. 1329.* (b) *Ibi num. 1380. & 1456.* (c) *Ibi num. 1500.* (d) *Ibi num. 1536.* (e) *Ibi num. 1591.* (f) *Ibi num. 1918. & 1919.* (g) *Ibi num. 1942.* (h) *Ibi num. 2192.* (i) *Ibi num. 2209.* (k) *Ibi num. 2338.* (l) *Ibi num. 2448.* (m) *Ibi num. 2551.* (n) *Ibi num. 2669.* (o) *Ibi num. 2809.* (p) *Ibi num. 3301.* (q) *Ibi num. 3324.*

CAPUT